

Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

4. Si instar Christi Passi comprehendatur, ut reus, si ludibria vulgi patiatur,
si indignissimè multetur, si pugnis, calcibúsque concidatur, si ad tribunal
raptetur, si interrogatiunculis fatigetur, ...

Nutzungsbedingungen

[urn:nbn:de:hbz:466:1-55449](#)

IV.

AMATOR CRVCIFIXI

*Si instar Christi Passi comprehendatur,
ut reus, si ludibria vulgi patiatur, si
indignissimè multetur, si pugnis cal-
cibusque concidatur, si ad tribunal
raptetur, si interrogatiunculis fati-
getur, silet, Crucifixi sui memor.*

4.
IGNATIUS
LOIOLA
Hispanus.

IT A se habuit, & ut idem faciant Socij exemplo docuit, potens opere & taciturnitate IGNATIUS, de quo sic accepimus, fide, ac penè verbis utor Scriptoris domestici a Post Ierosolymitanam peregrinationem repetiturus Hispaniam, ab Hispanis, qui bellum in Cisaspinâ Galliâ grave cum Gallis per id tempus gerebant, pro exploratore capitur. Nec mora pertentando fastidiosissimè, etiam calceis excussis, & inspecto nudo corpore diu vexatum, tandem sine tuniculâ suâ, ducunt ad Præfetum, ut is exprimat vi, quæ cælari putabant. Magnus hic CHRISTI Domini Amator jam pridem vitam ejus pro normâ proposuerat formaque ad quam fingeret, atque exigeret suam; atque adeò existimans in familiari sermone ingenuâ CHRISTVM & Apostolos similitudine

CVLTRIX CRVCFIXI. 9

plicitate usos, hanc etiam ut imitaretur, consueverat omnes promiscuè numero multitudinis, absque ambitiosis Dominationis, & id genus præfationibus appellare.

Subiit igitur, dum ita captus ducitur id tempus esse, quo aliquid de ea simplicitate remitteret, & Præfectum assari urbanius expediret. Quam cogitationem Vir mentis suæ custos acerrimus, dum, uti solebat semper, ad rationis iudicium vocat, diligenterque, unde oriatur, quò ferret explorat, animadvertisit sensum esse imbecillitatis humanæ, vexationem ac tormenta reformidantis. Tum secum ipse, itane sumus ad injurias, ita ad imitationem CHRISTI PASSI parati? Castigabo te ego perversè terror. Et continuò tanquam per Ierosolymæ vias CHRISTVM D. vincitum agi videret, lètissimus per oppidum longissimo tractu vadit: coramque Præfecto ne pileolum quidem à vertice submovet.

Tum ex illo Præfectus, cujas sit? quærit: tacet Ignatius. Vnde veniat? silet Ignatius. Nomen sci: citatur: nihil respondet Ignatius: denique, ad interrogations varias multiplicesque, fixis in terram oculis, animo in cælum tacitus perseverat. Ad unam illam: Es ne expiator? tantum inquit: non suni, ne justam iniuriæ caussam dedisse videretur.

10 SOCIETAS IESV

Quamobrem Præfектus irâ percitus milites increpat, quod hominem insanum ad se adduxissent, & continuò miti jussit. At milites increpatione irritati pugnis taciturnum & calcibus tundunt, varijsque contumelijs, indignum in modum afficiunt. Narrabat postea suis Ignatius, mirabilem quandam se id temporis consolationem percepisse, cum ejus ignominia veniret in mentem, quâ CHRISTVS PATIENS & ad CRVCIFIXIONEM tendens ab Herode ejusque militibus est affectus.

a Nicolaus Orlandinus lib. 1. Hist. Societ. à num. 44. Ribadeneira lib. 1. cap. 12. Masseius lib. 2. cap. 15. Biderman, lib. 1. cap. 6.

V.

AMATOR CRVCIFIXI

Ad imitationem Christi Stultus haberi,
& existimari desiderat.

S.
IGNATIVS
LOIOLA
Hispanus.

Q VI appetit derisiones, contumelias & ludibria perpeti, quibus afficiuntur ab insaniente Mundo illi, qui mentis ægritudine & delirio laborant, quales sunt phrenetici, furiosi, insani; is èadem amoris erga CHRISTVM PASSVM flammâ exæstuans, facile in se excitat desiderium ardens, ut STVLTVS habeatur, & existimetur; Quod plurimum condux;